



Broj: 13-04-40137-69-1/21
Sarajevo, 28.02.2022. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

-SKUPŠTINA KANTONA SARAJEVO
Služba za skupštinske poslove

-VLADA KANTONA SARAJEVO
Stručna služba Vlade

Predmet: Odgovor na zastupničko pitanje, dostavlja se

Zastupnik Samir Suljević je na nastavku 44. Radne sjednice Skupštine Kantona Sarajevo, održane dana 17.11.2021. godine, postavio zastupničko pitanje:

„Još 2019. godine, Skupština kantona Sarajevo i Vlada KS su vrlo pompezno najavile projekte zapošljavanja nezaposlene djece poginulih branitelja/šehidske djece. U dogovoru sa Zavodom za zapošljavanje napravljena je analiza, baza podataka sa starosnom i kvalifikacionom strukturom, te smo dobili podatak da se radi oko 600 djece, ove populacije. Imajući u vidu razne informacije postavljam sljedeća ZASTUPNIČKA PITANJA:

- 1. Koliko je nezaposlene djece poginulih branitelja prošlo ovaj Projekat?*
- 2. Koliko je djece zaposleno na neodređeno vrijeme od Projekta, od 2019. godine?*
- 3. Koji način objavljivanja konkursa, po ovom Projektu?*
- 4. Zašto se ne poštuje školska sprema, niti kvalifikaciona struktura ove djece, već imamo primjere da su visokoobrazovni radili kao NK radnici?*
- 5. Zašto se ovaj rad ne tretira i kao pripravniki staž?*
- 6. Zašto se naknada za ovaj rad razlikuje od poslodavca do poslodavca, kada znamo da je planiran iznos 800 KM, a imamo primjera da je ponegdje isplaćeno i oko 470 KM?*
- 7. Šta se, za dvije godine, postiglo ovim projektom?”*

Na navedeno zastupničko pitanje dajemo slijedeći odgovor:

S obzirom da je Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo (“Službene novine Kantona Sarajevo” broj 4/04, 29/09 i 18/13) propisano da JU “Služba za zapošljavanje Kantona Sarajevo” Sarajevo vrši realizaciju Programa mjera za podsticaj zapošljavanja i održavanja više stope zaposlenosti u Kantonu Sarajevo koji se donosi na godišnjem nivou, Ministarstvo za rad, socijalnu politiku, raseljena lica i izbjeglice Kantona Sarajevo predmetno pitanje dostavilo je Službi na nadležno postupanje.

S tim u vezi, JU "Služba za zapošljavanje Kantona Sarajevo" Sarajevo ovom ministarstvu dostavila je akt broj: 04/1-34-2596/211- IH od 28.12.2021. godine, u kojem obavještava slijedeće.

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini, Javna ustanova "Služba za zapošljavanje Kantona Sarajevo" Sarajevo je dana 21.12.2019. godine, objavila Javni poziv poslodavcima sa područja Kantona Sarajevo da se prijave za učešće u Programu sufinansiranja zapošljavanja šehidskih porodica i porodica poginulih branilaca. Javni poziv je bio objavljen na web stranici Službe, kao i u dnevnim novinama: "Dnevni avaz" i "Oslobođenje".

Planirana sredstva za ove namjene iznosila su 2.880.000,00 KM i bilo je planirano zapošljavanje 300 nezaposlenih osoba iz ciljne skupine sa evidencije Službe.

Programom sufinansiranja šehidskih porodica i porodica poginulih branilaca bilo je predviđeno zapošljavanje osoba sa evidencije nezaposlenih Kantona Sarajevo sa statusom šehidske porodice i porodice poginulog branioca, gdje stručna sprema nije bila eliminatorna prilikom realizacije, odnosno poslodavac je u skladu sa Zakonom o radu („Službene novine FBiH“, br. 26/16 i 89/18), a na osnovu stvarne potrebe i upražnjenih radnih mjesta, realizirao navedeni program.

Shodno navedenom, osnovni cilj pomenutog programa je bilo kraće trajanje nezaposlenosti članova šehidskih porodica i porodica poginulih branilaca. Nadalje, u skladu sa odredbama Programa mjera i javnog poziva, poslodavac je vršio izbor nezaposlenih osoba sa evidencije nezaposlenih Kanton Sarajevo, a osobe bez radnog iskustva i radnog staža zaposlene po navedenom programu, koje su obavljale poslove u okviru svoje stručne spreme, mogle su da ostvare i pripravnčki staž. Napominjemo da krajnji cilj pomenutog programa nije bio obavljanje pripravnčkog staža već kraće trajanje nezaposlenosti gore navedene kategorije.

Po programu sufinansiranja zapošljavanja šehidskih porodica i porodica poginulih boraca bilo je zaposleno 126 osoba iz ciljne skupine sa evidencije nezaposlenih Kantona Sarajevo kod 48 poslodavaca. Od toga na evidenciju nezaposlenih Kantona Sarajevo nakon isteka sufinansiranja vratilo se 89 osoba. Ukupno 30 osoba je zadržano u radnom odnosu kod istog poslodavca nakon isteka sufinansiranja, dok se 7 osoba zaposlilo kod drugog poslodavca nakon isteka sufinansiranja.

U cilju realizacije Programa, Služba je poslodavcima koji su bili obuhvaćeni ovim programom, mjesečno, 12 mjeseci, refundirala sredstva u ukupnom iznosu od 800,00 KM po novouposlenoj osobi, za cijelu ili dio isplaćebe bruto plate. Svi drugi eventualni troškovi padali su na teret poslodavca. Poslodavac je zadržavao pravo da na račun vlastitih sredstava, isplaćuje plaću u većem iznosu od ugovorenog. Visina neto plaće definisala se ugovorom o radu, a u skladu sa Zakonom o radu FBiH.

S poštovanjem,

Pripremio: Miralem Dedović, stručni savjet

Kontrolisali: Zoran Timarac, šef odjeljenja



Dostavljeno:

1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: mrsri@mrsri.ks.gov.ba

2/2